



Inatsisartuni ilaasortaq
Kristian Jeremiassen
- MAANI

Akilararutit akitsuutillu pillugit § 36, imm. 1 naapertorlugu apeqquteqaammut akissuteqaat

18. oktober 2010
Suliap normua. 2010-039777
Dokumentip normua 480571

Apeqquteqaatinnut, ima nipilimmut, qujanaq:

2009-miit 2013-imut Naalakkersuisut suleqatigiinnissaannut isumaqatigiissut Nuummi ulloq 10. juni 2009 atsiorneqartumi allaqqavoq: "Akilararutit akitsuutillu ullumikkornit qaffasinnerusumut inissinnissaat Naalakkersuisut siunertarinngilaat. "Sooq isumaqatigiissut eqqortinnagu Naalakkersuisooqatigiit akitsuutinik qaffaaniarpat?"

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

Naalakkersuisut suleqatigiinnissamut isumaqatigiissutip eqqortittuarnissaa sulissutigiarpaat. Isumaqatigiissummi allaqqappat, akilararutit akitsuutillu qaffanniנגikkigut, isumaqarput taannaavoq. Taamaattumik iliuuseriniakkagut tamaasa ataatsikkut iliuuserineq ajorpagut, iliuuseriniakkattali ataasiakkaarlugit aningaasalersorsinnaanerannut periarfissaqalernissarput utaqqisarlutigu. Taamaattumik pisortani sipaarniarneq ingerlaparput. Sapinngisarput tamaat akilararutit akitsuutillu qaffatsaaliorpagut. Kisianni aningaasaqarniarnikkut inissisimanerup pisariaqalersippaa, ilaatigut meeqqanut inuusuttu- nullu, peqqnissaqarfimmi suliaritinniarlutik utaqqisut allattorsimaffianni allatssissimasut ikilisarnissaannut inissaaleqinerullu ikiorsernissaanut aningaasanik nassaarniarnissaaq.

Tamakku tunngavigalugit Naalakkersuisut akitsuutit qaffanneqarnissaannik siunnersuummik saqqummiussisimapput. Ukiuni aggersuni aningaasaqarnikkut killiliussat aalajangersarnerat aallartikkatigu tamanna siunertarisimangikkaluarparput. Kisianni Naalakkersuisutut akisussaassuseqartutut Namminersorlutik Oqartussat ulluinnarnni ingerlatsineranni amigartooruteqarnerput inooqataaffigisinnaanngilarput.

Tamanna Naalakkersuisut akitsuutinik arlalinnik qaffaanissamik siunnersuuteqarnerannut tunngaviuvoq.

Inussiarnersumik inuulluaqqusillunga

Palle Christiansen